

## PRAVILA NAGRADNOG KONKURSA

# OSVOJI KROV\*

\*KROVNI POKRIVAČ



Odobrenje/Rješenje Federalnog ministarstva finansija broj 05-12-1-514/20 - T.J. od datuma 25.06.2020. godine

Nagradni konkurs „Osvoji Krov“ (u daljem tekstu: „**Nagradni konkurs**“) se organizuje u skladu sa članom 17. Zakona o igrama na sreću („Službeni glasnik Federacije Bosne i Hercegovine“: 48/15 i 60/15) i odredbama Pravilnika o sadržaju pravila, uslovima i načinu priređivanja nagradnih igara ( Sl. Novine F BiH broj 30/16), od strane Priređivača: Bramac Krovni Sistemi d.o.o, član BMI grupacije, sa sjedištem Skenderija 5/III, 71000 Sarajevo, identifikacioni broj 4200126840008 (u daljem tekstu: „**Priređivač**“).

1. Prije učešća u "Nagradnom konkursu", molimo da se upoznate sa ovim Pravilima nagradnog konkursa (u daljem tekstu: „**Pravila**“). Za vrijeme trajanja nagradnog konkursa, pravila su dostupna na <https://ba.bmigroup.com/osvoji-krov/>  
Vašim učešćem u "Nagradnom konkursu", u skladu sa tačkom 5. ovih Pravila, potvrđujete da ste sa istim upoznati i saglasni.
2. Učesnici "Nagradnog konkursa" mogu biti samo fizička lica starija od 18 godina sa prebivalištem ili boravištem na teritoriji Bosne i Hercegovine.
3. Osobe/lica zaposlena ili angažovana po drugom osnovu kod Priređivača, kao i njihovi bračni drugovi, djeca i roditelji, nemaju pravo učestvovati u "Nagradnom konkursu".
4. Konkurs traje u periodu od **29.06.2020** godine, od 12h do **19.09.2020** godine u 12h a organizuje se u svrhu promocije i unapređenja prodaje sopstvenih proizvoda. Žiri će odabrati i objaviti pobjednike **29.09.2020** godine na web stranici, Facebook i Instagram profilu Priređivača.
5. Da bi se lice/osoba koje ispunjava uslove predviđene ovim Pravilima kvalifikovalo za eventualnu nagradu potrebno je, da u okviru namjenske rubrike na web-stranici <https://ba.bmigroup.com/osvoji-krov/> ili u inbox Facebook (BMI Bosna i Hercegovina) ili Instagram (bmi\_bih) profila Priređivača ili na e-mail: [info\\_bih@bmigroup.com](mailto:info_bih@bmigroup.com) pošalje fotografiju mjesta svog budućeg krova uz kratak opis kako zamišlja svoj budući dom ( „krov nad glavom“ - odnosno ambijent u kojem će živjeti), i da navede ime i prezime, e-mail adresu ili kontakt telefon, čime stiče status učesnika u "Nagradnom konkursu". U obzir dolaze fotografije starih krovova kojima je potrebno renoviranje, fotografije nedovršenih građevina kojima nedostaje krov, kao i fotografije placa/terena na kojem će biti budući "krov nad glavom" učesnika. Fotografija treba da bude širokog ugla odnosno da obuhvata što više elemenata/prostora.
6. Učesnik koji pošalje fotografiju i opis, tim putem, izjavljuje da je saglasan da Priređivač može koristiti taj opis ili fotografiju na svojoj web stranici, Facebook i Instagram profilu, uključujući i lična dobra učesnika sadržana na fotografiji, u svrhe oglašavanja proizvoda i usluga, bez vremenskih, prostornih ili predmetnih ograničenja, bez naknade, kao i da takvo pravo korištenja može da prenese na treća lica po svom slobodnom izboru.
7. Lice/osoba koje učestvuje u "Nagradnom konkursu" u skladu sa tačkom 5. ovih pravila pristaje da Priređivač vrši obradu njegovih ličnih podataka za potrebe realizacije "Nagradnog konkursa" u skladu sa ovim Pravilima.

8. U roku od 10 dana po isteku perioda trajanja "Nagradnog konkursa" članovi žirija (Ivica Podrug, Alma Hidić, Katarina Marunić) će među dostavljenim opisima i fotografijama po svojoj slobodnoj ocjeni odabrati 3 (tri) pobjednika te o tome sačiniti odgovarajući zapisnik.
9. Pobjednik prve nagrade dobija kao nagradu ukupno 100 m2 krovnog pokrivača (crijep 1/1 sa fazonskim elementima) - betonski crijep, model Merito. Pobjednik druge nagrade dobija vaučer 20% popusta na betonski crijep (crijep 1/1 i fazonske elemente ograničeno na 100 m2). Pobjednik treće nagrade dobija vaučer 10% popusta na betonski crijep (crijep 1/1 i fazonske elemente ograničeno na 100 m2).

#### 10. POJEDINAČNA TRŽIŠNA VRIJEDNOST NAGRADA

Pojedinačna tržišna vrijednost nagrada iznosi:

NAGRADE	Pojedinačna vrijednost nagrade sa PDV (KM)	Količina (kom)	UKUPNA VRIJEDNOST sa PDV (KM)
1. nagrada: 100 m2 krovnog pokrivača (crijep 1/1 sa fazonskim elementima) - betonski crijep, model Merito	1.200,00	1	1.200,00
2. nagrada: vaučer 20% popusta na betonski crijep (crijep 1/1 i fazonske elemente ograničeno na 100 m2)	300,00	1	300,00
3. nagrada: vaučer 10% popusta na betonski crijep (crijep 1/1 i fazonske elemente ograničeno na 100 m2)	150,00	1	150,00

Ukupan nagradni fond iznosi 1.650,00 KM (slovima hiljadušestopedeset konvertibilnih maraka) sa uključenim PDV.

11. Porez na dohodak od nagradne igre (10%) snosi dobitnik nagrade čija je vrijednost veća od 1.000,00 KM.
12. Isto lice može dobiti samo jednu nagradu. Nagrade nisu prenosive na treća lica i ne mogu se zamijeniti za novac. Kako bi mogli preuzeti nagradu, pobjednici će biti kontaktirani od strane Priređivača na e-mail adresu ili kontakt telefon dostavljen prilikom prijave na "Nagradni konkurs" u roku od 3 (tri) dana od objavljivanja pobjednika i tom prilikom će biti obaviješteni o načinu uručenja nagrade. Pobjednici su dužni da preuzmu nagradu najkasnije do 30.11.2020.godine.
13. Organizator ima pravo da ukloni sve materijale postavljene od strane učesnika konkursa koji sadrže ili predstavljaju diskriminaciju, uvrijedljiv sadržaj ili uvredu na rasnoj, vjerskoj ili bilo kojoj drugoj osnovi, po sopstvenoj i isključivoj diskreciji i bez daljeg objašnjenja.
14. Priređivač ima pravo da uz javno obavještenje jednostrano otkáže nagradni konkurs u bilo kojoj fazi ukoliko je došlo do događaja koji imaju karakter više sile. U slučaju otkazivanja ili prekida nagradnog konkursa neće se nadoknaditi troškovi ili eventualna šteta učesnicima u nagradnom konkursu, niti će se nagradni konkurs održati.
15. Svi eventualni sporovi između Priređivača i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.
16. Priređivač će nakon odobrenja Federalnog ministarstva finansija, a prije početka nagradnog konkursa,

objaviti pravila nagradnog konkursa najmanje u jednim dnevnim novinama dostupnim na teritoriji Federacije Bosne i Hercegovine, uz obavezno navođenje broja i datuma odobrenja.

### **Zaštita ličnih podataka**

Priredivač potvrđuje da prikupljene lične podatke obrađuje u svemu na način predviđen Zakonom o zaštiti ličnih podataka („Sl. glasnik BiH”, br. 9 od 27/06, 76/11, 89/11”).

1. U svrhe učestvovanja u nagradnom konkursu, Privredivač će prikupljati i obrađivati slijedeće podatke o ličnosti:
  - a) Ime i prezime;
  - b) E-mail adresu;
  - c) Broj telefona.
2. Osim navedenih podataka, od pobjednika "Nagradnog konkursa" se, za potrebe organizovanja uručenja nagrade, mogu zahtijevati i adresa prebivališta odnosno boravišta.
3. Priredivač ne prenosi, ne prodaje lične podatke niti ih na bilo koji način stavlja na raspolaganje drugim licima, uključujući i druge privredne subjekte.
4. Pribavljeni lični podaci će se obrađivati prevashodno u svrhe realizacije "Nagradnog konkursa".
5. Pravni osnov za obradu ličnih podataka je pristanak.
6. Pribavljeni lični podaci će se čuvati do trenutka proglašenja pobjednika Nagradnog konkursa, odnosno do uručenja nagrada pobjednicima.
7. Lica od kojih se prikupljaju lični podaci imaju pravo od Priredivača zahtijevati pristup, ispravku ili brisanje njihovih ličnih podataka, odnosno pravo na ograničenje obrade, pravo na prigovor, kao i pravo na prenosivost podataka.
8. Lica od kojih se lični podaci prikupljaju imaju pravo opozvati pristanak u bilo koje vrijeme. Opoziv pristanka ne utiče na dopuštenost obrade na osnovu pristanka prije opoziva.
9. Priredivač garantuje da će, prilikom obrade prikupljenih ličnih podataka, sprovesti odgovarajuće tehničke, organizacione i kadrovske mjere kako bi se dostigao odgovarajući nivo bezbjednosti u odnosu na rizik.